



15. Juli 2014:
Eva Almhjell og Evalill Sletto på befaring til Vesleheimen, Vollen i Asker.

Noverande eigar er Trine Bendixen, kultursjef i Asker kommune (t.v. i rosa), Evalill t.h.

Huset var raudt då Karin og Olav budde her. Det raude huset bak og under er uthus/låve.

I kjellaren (i midten under) fekk vi sjå dei opprinnelege bærekonstruksjonane

Vesleheimen – idyllisk bustad for Olav og Karin Sletto frå 1912-ca. 1917, Vollen, Asker, slik eigedomen ser ut i dag.

Den store tomta var ei gave frå bror til Karin, Sandefjord-skipsreiar Fritz Bryde, då dei gifta seg i 1911. Her kjende Olav seg heime, her kom tre ungar til verda (Eva, Randi og Bjørn) og her prøvde Karin gjera så godt ho kunne som husmor medan mannen var på talereiser i heile landet. Ikkje alltid enkelt, det!



T.v. er huset slik det vart sett opp i 1912. Det er raudt og lite, ein skikkeleg Vesleheim for Sletto-familien. Huset er bygd kraftig på i seinare tid, og alstå måla kvitt. Dammen var i si tid ein isdam. Isen vart seld til Tyslkand og Storbritannia. Asker er kjent for bringebær dyrking, og megder med bringebær vart dyrka for eksport. I brevvekslinga mellom Karin og Olav går det fram at det var ein gard i nærleiken, der vesle Ingrid, barnepika, henta mjølk og anna mat til ulike årstider. Syster til Olav, Jenny, skaffa kjøt til Olav og Karin, då ho vart bonde på Uren i Hol i 1913.



Frekke som vi var, som berre vandra rett inn på tunet til fremmandfolket i Vesleheimen, vart vi tatt svært godt i mot. Tusen takk for det!
Biletminne: Eva Almhjell, 16.7.2014